



ՎԻԿՏՈՐ ՄՆԱՑԱԿԱՆԻ ՊԵՏՐՈՍՅԱՆՑ

ՀԱՅՐԵՆԱԿԱՆ ՄՇԱԿՈՒՅԹԻ ՊԱՇՏՊԱՆ ՀԱՅ ԿԱՆԱՅՔ

Միջնադարի հայ կանայք: Նրանք ամենուր են և ամենագուր: Նրանք շինարար են ու հայրենիքի զինվոր: Նրանք վանքեր, բերդեր, կամուրջներ են կառուցել, ձեռագրեր են արտագրել ու պատվիրել: Նրանք զենքը ձեռքներին կռվել են հայրենիքի, իրենց հող ու ջրի համար:

Նրանց՝ Հայոց աշխարհի փափկասուն տիկնանց մասին շատ է գրվել ու դեռ կգրվի: Այս շարքը մի փոքրիկ ծաղկեփունջ է նրանց հիշատակին:

Թ դար

Մ Ա Ր Ի Ա Մ

Մարիամը Բագրատունյաց թագավորության հիմնադիր Աշոտ Ա-ի և Խոսրովանույշ թագուհու դուստրն է, Սմբատ Ա թագավորի և Ծապուհ սպարապետի քույրը: Աշոտ Ա-ն Սյունիքի իշխաններին իր շուրջը համախմբելու և դաշինք հաստատելու նպատակով Մարիամին ամուսնացրեց Գեղարքունիքում իշխող Սյունյաց Վասակ Գաբուռ իշխանի հետ¹:

Ամուսնու վաղաժամ մահվանից հետո Մարիամը ժառանգեց Գեղարքունյաց իշխանությունը: Նա շինարարական մեծ աշխատանքներ է կատարել: Մաշտոց Եղվարդցու (հետագայում Մաշտոց Բ կաթողիկոս) նախաձեռնությամբ՝ 871—874 թվականներին Մարիամ իշխանուհին կառուցել է Սեփանի վանական համալիրը՝ ա. Առաքելոց

և ս. Աստվածածին եկեղեցիները, բնակարաններ հոգևորականության համար: Նա վանքը զարդարել է «մեծամեծ սպասուք», որոշել է վանքի տիրույթները:

874 թվականին այցի գալով դստեր կառուցած վանքը Աշոտ Բագրատունի իշխանաց իշխանը վանքին իբրև ժառանգություն ընծայել է Վարսեր, Ցամաքաբերդ, Գոմաձոր, Բերդք, Ույաց տափ գյուղերը, լճի ձկնորսության իրավունքը, այգիներ Գառնիում և Երևանում²:

866—877 թվականներին Մարիամ իշխանուհին կառուցել է Ծողազա վանքը: Նա արաբներից գնել ու վանքին է նվիրել Ծողազա գյուղը, որը խոշոր ձկնորսարան էր Սևանի ափին: Ծողազա գյուղը գնելու համար Մարիամը արաբներին է վճարել վեց հազար դրամ: Վանքի համար երեք հազար դրամով նա մեկ այլ գյուղ էլ գնել է Մազազ գավառում:

903 թվականին Մարտունու շրջանի Արծվանիստ գյուղի մոտ Մարիամ իշխանուհու եղբայրը՝ սպարապետ Ծապուհ Բագրատունին, «վերակացու եւ տեսուչ առնելով զքոյր իմ Մարիամ, Սիւնեաց տիկին» կառուցել է Վանեվանի վանքը³:

Մարիամի և եղբոր՝ Սմբատ Ա թագավորի հրամանով հայերեն է թարգմանվել Նանա Ասորու «Մեկնութիւն սրբոյն Աւետարանին Յովհաննու» գործը: Հիշատակագիրը հաղորդում է. «Եւ յետ այսորիկ այսպէս եղեալ, հասեալ լինի գանձ գրոյս

¹ Ստեփանոսի Միսնեաց եպիսկոպոսի Պատմութիւն տանն Սիւական, Մոսկվա, 1861, էջ 126 և հետո:

² Նույնը, էջ 127:

³ Դիվան հայ վիմագրության, պրակ IV, կազմեց Ս. Գ. Բարխուդարյանը, Երևան, 1973, էջ 121—122:

այսորիկ առ Մարեմ Բագրատունի Սիւնեաց տիկին... Իսկ երանուհոյն Սիւնեաց տիկնոջ փոյթ ի մտի եղեալ՝ վաղվադակի հրամայեաց, երկիցս անգամ փոխաբերել ի հայկական լեզու...» և հիշատակարանն ավարտում է։ «Այլ և Սմբատ Բագրատունի և Մարեմ Սիւնեաց տիկին, որ զգիրս սուրբըս թարգմանել հրամայեցին՝ զնոյն հայցեն, յիշել»⁴։

Ատրպատականի ամիրա Յուսուֆի ասպատակությունների ժամանակ Մարիամ իշխանուհին որդիների՝ Սահակի և Վասակի հետ ապաստանում է Սևանի կղզում, բայց երբ արաբները գալիս-հասնում են Սևան, նրանք գիշերով, նավակներով հեռանում են լճի մյուս ափը և, ինչպես հաղորդում է Ստեփանոս Օրբելյանը⁵, հեռանում են Գարդման։ Այստեղ էլ, պանդխտության մեջ, մեռնում է շինարար իշխանուհին։ Որդիները չեն ցանկանում իրենց մորը թաղել օտար հողում։ Նրանք զմուռն են տալիս մահացածի մարմինը, դնում են փայտե դագաղի մեջ և այդպես պահում են մինչև այն պահը, երբ հնարավոր է դառնում վերադառնալ հայրենիք։ Եվ երբ արաբները հեռանում են Հայաստանից, Սահակն ու Վասակը «շքեղագոյն պատուով» իրենց մոր մարմինը բերում ու թաղում են նրա կառուցած Շողագա վանքի մոտ։

ՍՈՓԻԱ

Սոփիան՝ Վասպուրականի Դերենիկ իշխանի դուստրը, Գագիկ Ա թագավորի քույրը, ամուսնացել էր Սյունիքի Սմբատ իշխանի հետ։

909 թվականին Ատրպատականի Յուսուֆ ուսուկյանը մեծ բանակով մտավ Հայաստան և շարժվեց Սյունիք։ Սյունիքի նշանավոր կանաչ փակվեցին անտիկ Երնջակ բերդում։ Միայն հինգ տարի հետո՝ 914 թվականին Յուսուֆը գրավեց բերդը և գերեց Սմբատ իշխանի մորը՝ Շուշանին, Սոփիային, նրա ծնկեր որդուն և այլ կանանց։ Տիկին Շուշանը և նրա թոռը Դվինի բանտում մեռնում են, իսկ Սոփիան աքսորվում է Ատրպատական⁶։

Երկար տատապանքներից հետո Սոփիան ազատվում է գերությունից ու վերադառնում Սյունիք։

936 թվականին Սոփիա իշխանուհին Ազիզբեկովի շրջանի Գնդեվազ գյուղից կես

կիլոմետր հեռու, Արփա գետի ձախ ափին կառուցում է Գնդեվանքի վանքը։ Սոփիա իշխանուհու շինարարական արձանագրությունը հողմնադրվել է, ամբողջական տեքստը ժամանակին արտագրել է Ստեփանոս պատմիչը⁷։

Ես՝ Սոփիա տիկին՝ կին Սմբատայ աստուածապահ տեառն Սիւնեաց, և դուստր Գրիգոր Դերենիկի, շինեցի զեկեղեցիս ի յիշատակ հոգւոյ իմոյ և յարևատութիւն իշխանաց իշխանիս Սմբատայ և որդեկաց մերոց և զարդարեցի զսա մեծածախս սպասիւք...։

Սոփիա իշխանուհին Գնդեվանքին է ընծայում իր հիմնադրած Գնդեվազ և Ատշար գյուղերը, Գյուղշտի վայրում գտնվող մրգատու այգիները։ Նա միաժամանակ «զմէ զգիւղն Հալու... և տայ ի ժառանգութիւն եկեղեցւոյ...»։

Իր արձանագրության վերջում Սոփիա իշխանուհին հայտնում է, որ Վայոց ձորի բնությունը նման է մատանու, որ ակ չունի, իսկ ինքն ահա՝ կառուցել է Գնդեվանքը և ակ է դրել մատանու վրա.

...մատանի էր անակն Վայոց ձոր, շինեցի զսա և եղի ակն ի վերայ։

Մ. Լ. Բ. Ե

Մլքե թագուհին Վասպուրականի Գագիկ Ա Արծրունի թագավորի կինն է։ Մլքե թագուհին, անշուշտ, մասնակցել է ամուսնու շինարարական ձեռնարկումներին՝ Ոստանի փառահեղ պալատի, Աղթամարի սուրբ Խաչ տաճարի, մոտ երկու կիլոմետր երկարությամբ նավահանգստի և դրա պարիսպների կառուցմանը, բայց նրա անունը կապված է իր Ավետարանի հետ, որը պատմության մեջ մտել է Մլքե թագուհու Ավետարան անունով։

Մլքե թագուհու Ավետարանի գրվելու վայրը, գրչի անունն անհայտ է։ Վերջին ուսումնասիրությունների համաձայն այն գրվել և պատկերագրվել է 851 թվականին և հայերեն առաջին ձեռագիրն է։ Ձեռագրում պահպանված յոթ խորանները, համբարձման տեսարանը և չորս ավետարանիչների մկարներն աչքի են ընկնում հանդիսավոր մոնումենտալությամբ և գեղագրական ազատ պատկերաձևերով։

912 թվականին ձեռագիրը պատկանել է Մլքե թագուհուն.

«Ես Մլքե Աղախին Բրիատոսի եւ Հայոց Թագոհի ՅԿԱ. (912) թվականիս ետու

⁴ Է. Զ. Միշան, Հայապատում, Վենետիկ, 1901։

⁵ Ստեփանոս Սիւնեաց եպիս., նույնը, էջ 138։

⁶ Ստեփանոս Սիւնեաց եպիս., նույնը, էջ 140։

⁷ Նույնը, էջ 191։

զանեսարանս ի Վարագի ս. Աստուածածինս, զոր իմ ձեռամբս եւ ծախօք եմ շինեալ՝ յօգնականութիւն ինձ եւ արքային իմոյ Գագկայ եւ զաւակաց իւրոց»:

Պետք է հասկանալ, որ Մլքե թագուհու «զոր իմ ձեռամբս եւ ծախօք եմ շինեալ» բառերը վերաբերում են ձեռագրի կազմին: Բայց հավանական է, որ ավելացվել են նաև մանրանկար էջեր: Լ. Ղ. Ալիշանը քննելով խորաններից մեկը, որի վրա պատկերված են նավարկության տեսարաններ, նավակներ, ծովային ձկներ, կարծում է, որ դա անոթ է ավելացված լինի Գագկի Ա թագավորի իշխանության տարիներին, երբ քաղաքում մեծ աշխատանք կատարվեց Վանա լճի նավարկության զարգացման համար⁹:

Եզակի բախտ է վիճակվել Մլքե թագուհու Ավետարանին: Ավետարանը արաբական արշավանքների ժամանակ գերեվարվել է: 1208 թվականին Անդրեաս քահանան այն գնում և վերադարձնում է Վարագա վանքին: «Եւ, Անդրեաս քահանայ թափեցի գութոյք Ավետարանս ի յանօրինաց և վերստին ետու զսա Սրբոյ Նշանիս Վարագայ...»:

Տասնչորսերորդ դարի սկզբներին Պարոն Մանիլայի դուստր Ավագ տիկինը նոր կազմ է պատվիրում և Ավետարանը վերադարձնում է Վարագա վանք:

1515-ին Ավետարանը կրկին գերի է ընկնում և Հովհաննես արքեպիսկոպոսն այն գնում, նորոգում ու կազմում է: Դարի վերջին քառորդում Ավետարանը Մարտիրոսից անցնում է ալյազգիներին: Մի քանի բարեպաշտ հայեր արդեն քանդեցին անգամ գնում ու Վարագավանք են վերադարձնում այն: «Գնեցինք սուրբ Ավետարանս ի հալալ ընչից մերոց ի յալյազգէ և ողարկեցաք ի Վարագա. լսեալ ենք թէ Վարագայ գիրն գերի չի լինի...»:

1682 թվականին Մլքե թագուհու Ավետարանը վերջին անգամ դուրս է գալիս Վարագա վանքից: 1830 թվականին այն Կոստանդնուպոլսում է, իսկ երկու տարի անց՝ 1832 թվականի հուլիսի 6-ին, այն վերջնականապես հանգրվանում է Վենետիկի սուրբ Դավթար կղզում Մխիթարյան հայրերի օրրանում:

1902 թվականին ճշվեց, իր ժողովրդի ճակատագիրը կիսած, Մլքե թագուհու Ավետարանի հազարամյակը, տպագրվեց Պոտոլյանի «Զարդանկարք Ավետարանի

Մլքե թագուհու» մեծադիր ոսկերիզ ալբոմը¹⁰:

ԽՈՍՐՈՎԱՆՈՒՇ

Խոսրովանուշը Աշոտ Բագրատունի (Ողորմած) թագավորի (945—977) կինն է:

Աշոտ Ողորմած թագավորն ու Խոսրովանուշ թագուհին 966 թվականին սկսեցին Սանահինի վանքի շինությունը: Կառուցման հոգսը ընկած էր Խոսրովանուշի վրա: Այդ է պատճառը, որ որպես վանքի հիմնադիր հիշատակել են հիմնականում միայն թագուհուն: Սանահինի վանքի կառուցման մասին Սիմեոն կրոնավորը գրել է. «...ի թուսականութեանս հայոց ՆԻԱ (972), ի նորաշէն վանքս կոչեցեալ Սանահին հրամանաւ հաւր իմոյ Յովհաննիսի, որ էր վանիցքս շինութիւն ամբ Զ(6), զոր շինեաց քարեպաշտ թագուհին Խոսրովանուշ՝ ամուսինն Աշոտոյ հայոց շահնշահի, որդի Սրմբատայ Բագրատունոյ հայոց թագաւորի...»¹¹:

Հայոց թագավորը և թագուհին փարթաւացնում են վանքը «զարդարանօք և յով (քաղմաթիւ) գեղորդէիք և հայրենեօք՝ աւրով և ձորով»: 979 թվականին Սանահինի վանքը դառնում է եպիսկոպոսական աթոռանիստ¹², վանականների թիվը հասնում է 500-ի:

Հաղբատի վանական համալիրի կառուցումը 976 թվականին նույնպես սկսել է Խոսրովանուշ թագուհին:

Խոսրովանուշը արձանագրություններ ունի Տեկորում և Թալիմում: Թալիմի 959 թվականի արձանագրությունը եղծված է, պահպանվել են միայն մի քանի բառեր և դժվար է ասել թագուհու «որ կարգեցի» բառերին ինչ միտք է հաջորդել: Տեկորի 971 թվականի արձանագրությամբ «Խաւսրեանիւ ի հայոց թագուհին» որոշել է վանքի հարկի չափը:

ՇԱՀԱՆՈՒՄԱՐ

Ծահանդումաթը Խաչենի և Ուտիքի իշխան Սահակ Սևադայի դուստրն է, Սյունիքի թագավորության հիմնադիր Սմբատ թագավորի կինը:

⁹ 1966 թվականին ս. Դավթարում տպագրված «Հայկական մանրանկարչության» Ա հատորի նախարանում գրված է, որ «Յիշատակարաններու ուշադիր քննութեամբ՝ յարգոյ Լ. Մ. Մանաշեան կր. հաստատէ 826 թվականը, մերձադր անցեալի մէջ առաջարկուած Ն. Ադոնցեն, որով ան կենդանացայ ամենէն հինք մեզի հասած հայ ձեռագիրներուն մէջ»:

¹⁰ «Քոթուկ», ՀԱՍՀ Մատենադարանի ձեռագիր, № 3032, էջ 37—38:

¹¹ Նույնը, էջ 47:

⁸ Լ. Ղ. Ալիշան, Հայագիտութիւն, էջ 391:

Ե՛վ ամուսնու հետ, և՛ նրա մահից հետո, Ծահանդուխտը Սյունյաց երկրում հովանավորում է մշակույթը:

Ամուսնու կտակի համաձայն, Ծահանդուխտ թագուհին Սիսիանի շրջանի Վաղարշի գյուղում կառուցում է սուրբ Ստեփանոս Նախավկայի վանքը (Որոտնավանք): Վանքի շինարարությունն ավարտվում է 1000 թվականին: Վանքի արևելյան պատուհանի պսակին փորագրված է.

Ծինեցաւ հրամանով թագաւորին Անպատայ ի ձեռն Ծահանդուխտոյ բարեպաշտ թագուհոյ¹²:

Ստեփանոս Օրբելյանը հաղորդում է, որ Ծահանդուխտ թագուհին կառուցում է «և տուն պոթոյից կրաշաղախ վիմօք ի դրան եկեղեցոյն, և համբարանոցս և գործատունս. և շուրջ պարսպէ զվանքն. և որոշէ նմա անդաստանս ի Վաղարշոյն. և տայ զԳոմեր ագարակ ի վանսն. պայծառապէս զարդարէ զեկեղեցին զանազան զարդոք»¹³:

Ծահանդուխտը բազմաթիվ նվերներով ու գործուն օժանդակությամբ շենացրել է Տաթևի վանքը: Նա իր որդիների՝ Վասակի և Սևադայի հետ 998 թվականին 6000 դրամ և Հաբանդ գավառի Տեղ գյուղը ընծայել է Տաթևի վանքին¹⁴:

Ծահանդուխտ թագուհին մահացել է 1001 թվականին ու թաղվել է իր կառուցած սուրբ Ստեփանոս Նախավկայի վանքի բակում:

ԺԱ դար

ՀՐԱՆՈՒԾ

Հրանուշ թագուհին Լոռիի Դավիթ Անհողին թագավորի դուստրն է, Կյուրիկե Բ թագավորի քույրը:

11-րդ դարի 60-ական թվականներին Հրանուշը Սանահնում եկեղեցի և գրատուն է կառուցել:

Գրատունը կառուցվել է վանքի շենքերի խմբի հյուսիս-արևելյան կողմում: Այն երկրի չորս կողմերի ուղղությամբ ճիշտ դրված քառակուսի շենք է: Պատերի կենտրոնից բարձրացող չորս որմնասյուների վրա նրստած է երդիկավոր կոնաձև ծածկը: Ներսի բոլոր պատերի մեջ ձեռագրերի համար խույ պատուհաններ են արված: Գրատան հարավ-արևելյան անկյանը կից է Գրիգոր Լուսավորչի փոքրիկ տաճարը, որ ներ-

քուստ քառաբսիդ, արտաքուստ գլանաձև, արտաքին չորս խորշերով, դեկորատիվ կամարներով գմբեթավոր եկեղեցի է:

Հրանուշ թագուհին նախ կառուցել է սուրբ Գրիգոր եկեղեցին, որի կառուցումն ավարտել է 1061 թվականին և նրան զուգահեռ կառուցել է գրատունը, որն ավարտել է 1063 թվականին ու սուրբ Գրիգոր եկեղեցու պատին փորագրել է իր շինարարական արձանագրությունը:

Ի ԾԺԲ (1063) թուին հայոց... ի թագաւորութեանն Կիրիկէի եւ Սմբատայ, եւ՝ Հրանուշ թագուհի՝ դուստր Դաւթի արքայի, շինեցի զնշխարատունս (գրատուն) եւ զեկեղեցիս. եւ ետու զնորաշէննս ի Սանահնս վասն իմ մեղաց թողութեանն եւ իմ եղբարցն արևշատութեան...»¹⁵:

ԾԱՀԱՆ ԴՈՒԾ

Ծահանդուխտ Բ թագուհին հաղաց Կապան հարս է եկել տասնմեկերորդ դարի կեսերին:

Այս Ծահանդուխտը Սահակ Սևադայի թոռ իշխան Սևադայի աղջիկն է, Սյունիքի Գրիգոր թագավորի կինը:

Գրիգորն ու Ծահանդուխտն արու գավառ չունեին, մի դուստր ունեին Կատա անունով: Եվ նրանք որոշեցին, որ Գրիգորին կփոխարինի Ծահանդուխտի եղբայրը՝ «զԱնենքերիմ» եղբայր նորին Ծահանդուխտը թագաւորազն մանուկ, յոյժ գեղեցիկ տեսլեամբ և առոյգ հասակաւ՝ հանճարեղ և իմաստուն...»¹⁶:

1085 թվականին Ծահանդուխտը և իր դուստրը՝ Կատան, Վահանավանքում եկեղեցի և բազմապլուս սրահներ են կառուցում:

Ի ԾԼԵ թվականին եւ՝ Ծահանդուխտ, դուստր Սեւադայի Աղվանից թագաւորի եւ ամուսին Գրիգոր թագաւորի, որոյ Աշոտկայ վասն ոչ գոյո մեր ի միասին ժառանգ (ը)ստ մարմնոյ, եւ եւ քոյրս իմ Կատայս շինեցաք զս(ուր)ք Ա(ստուա)ծածիմս փոխարեն գոցոց նորա¹⁷:

Գրիգորի մահից հետո թագավորությունը անցավ Սենեքերիմին: Ծահանդուխտ թագուհին և Կատան «լքին զերկրաւոր փառս աշխարհիս և զհետ երանաւետ ձայնին Քրիստոսի ընթացան ճգնազգեստ առաքիւնութեամբ»:

¹⁵ Կ. Ղաֆադարյան, Սանահնի վանքը և նրա արձանագրությունները, Երևան, 1957, էջ 187:

¹⁶ Ստեփանոս Սիմեաց եպիս., նույնը, էջ 288 և հետո:

¹⁷ Դիվան հայ վիմագրության, պ. II, էջ 188:

¹² Դիվան հայ վիմագրության, պրակ II, կազմեց Ս. Գ. Բարխուդարյանը, Երևան, 1960, էջ 100:

¹³ Ստեփանոս Սիմեաց եպիս., նույնը, էջ 221:

¹⁴ Նույնը, էջ 218:

1086 թվականին Սենեքերիմ թագավորը «իր ամենայն տահմանօք շուրջանալի, հողով և ջրով և արտավարօք և զամենայն որ ինչ իրն էր» Արիտ գյուղը ընծայում է Տաթևի վանքին: Ծախանդուխտը հաստատում է եղբոր ընծան¹⁸:

1096 թվականին Գանձակի ամիրայի խարդավանքին զոհ գնաց Սենեքերիմ թագավորը: Եղբոր եղբրական սպանությունից հետո մինչև իր մահը՝ 1116 թվականը, Բաղաց թագավորության շինարարական ու բարենորոգչական գործը տնօրինում է Ծախանդուխտը:

Վահանավանքում Ծախանդուխտի և Կատաի հիշատակին մի գեղաբանդակ խաչքար է պատրաստված:

Ք(րիստո)ս Ա(ստու)ծ ողորմեայ ի քո ի միս անգամ գալըստեան... մար Ծախանդուխտյ ... եւ Կատաին¹⁹:

ԺԲ դար

Ա Յ Ծ Ե Մ Ն Ի Կ

1126 թվականին Անիի ամիրա Աբու-սուարի որդի Փատուլուն օգնություն ստանալով շրջակա ամիրայություններից, մեծ ուժերով պաշարեց վրացական գերիշխանություն ընդունած Անի քաղաքը: Անեցիները տոկունությամբ ու հերոսաբար մարտընչում են թշնամու դեմ: Ատելի թշնամու դեմ կռվում են նաև կանաչք: Անիի պաշտպանության ակնանտես, պատմիչ Սամուել Անեցին առանձնակի սիրով գրում է նրանցից մեկի՝ Այծեմնիկի մասին, որ տղամարդու սիրտ առած «առ ոչինչ համարելով նետերից ստացած վերքերը»²⁰ քարերով հարվածում էր պարիսպը քարձրացող թըշնամու զինվորներին: Մարտական դիրքում, պարսպի վրա Այծեմնիկը զոհվեց՝ հետագա սերունդներին թողնելով հայրենասեր հերոսուհու անուն:

Ռ Ո Ւ Ս Ո Ւ Գ Ա Ն

Ռուսուգանը Կյուրիկե Գ թագավորի դուստրն է: Ռուսուգանը քույրերի՝ Մարիամի և Բավրիանայի հետ 1181 թվականին մասնակցել է Սանահնի վանքի Ամենափրկչի ժամատան կառուցմանը և իր հիշատակին կանգնեցրել է գավթի կենտրոնական չորս սյուներից հյուսիս-արևմտյանը, որի վրա արձանագրել է:

¹⁸ Ստեփանոս Սինեաց եպիս., նույնը, էջ 236—237:

¹⁹ Դիվան հայ վիմագրության, պ. II, էջ 138:

²⁰ «Սամուելի քահանայի Անեցու հուսարմունք ի գրոց պատմագրաց», Վաղարշապատ, 1893, էջ 127:

Ես՝ Ըռուսուգան, նմին արքաի (իմա Կյուրիկե Գ-ի) դուստր, քոյր Մարիամայ, կանգնեցի զսինս՝ իննել ինն մրն լուսոյ, ի կեանս յախտեմից²¹:

Ռուսուգանը թաղված է Հաղբատի վանքի մեծ գավթում, Կյուրիկյան տոհմի տապանատանը²²:

Բ Ա Վ Ր Ի Ն Ա

Բավրիանա Կյուրիկե Գ թագավորի դուստրն է: Բավրիանա մյուս քույրերի՝ Մարիամի և Ռուսուգանի հետ 1181 թվականին մասնակցել է Սանահնի վանքի Ամենափրկչի ժամատան կառուցմանը և իր հիշատակին կանգնեցրել է գավթի կենտրոնական չորս սյուներից հարավ-արևելյանը, որի վրա արձանագրել է:

Ես՝ Բավրիանա, նոյն արքաի (իմա Կյուրիկե Գ) դուստր, քոյր Մարիամու, կանգնեցի զսինս զա(յ)ս և զիս յիշեցէք ի Ք(րիստո)ս²³:

Բավրիանա թաղված է Հաղբատի վանքի մեծ գավթում, Կյուրիկյան տոհմի տապանատանը:

Ռ Ո Ւ Ս Ո Ւ Գ Ա Ն

Կյուրիկե Գ թագավորի կնոջ՝ Թամարի հորաքույրն է: Ռուսուգանը քրոջ աղջիկների՝ Մարիամի, Բավրիանայի, Ռուսուգանի հետ 1181 թվականին մասնակցել է Սանահնի վանքի Ամենափրկչի ժամատան կառուցմանը և իր հիշատակին հարավ-արևմտյան սյան վրա արձանագրել է:

Ես՝ Ռուսուգան, հարաքոր Թամարի, մայր թագոհեացո զսինս կանգնեցաք, զմեզ յիշեցէք ի Ք(րիստո)ս²⁴:

Մ Ա Ր Ի Ա Մ

Մարիամ Բագրատունին Կյուրիկե Գ թագավորի դուստրն է: Մարիամը 1181 թվականին մասնակցել է Սանահնի վանքի Ամենափրկչի ժամատան կառուցմանը և իր հիշատակին կանգնեցրել է գավթի կենտրոնական չորս սյուներից հյուսիս-արևելյանը, որի վրա արձանագրել է:

Ես՝ Մարիամ Բագրատունի, դուստր արքաին Կիրիկի, մեծա լուսով կանգնեցի

²¹ Կ. Ղաֆաղարյան, Սանահնի վանքը..., էջ 115:

²² Կ. Ղաֆաղարյան, Հաղբատ, Երևան, 1963, էջ 183:

²³ Կ. Ղաֆաղարյան, Սանահնի վանքը..., էջ 114:

²⁴ Կ. Ղաֆաղարյան, նույնը, էջ 115:

գահին գայս և ետու զիմ հայրենի
ս(ուր)ք նշանս մեծածախս պահարանով
ի ս(ուր)ք Ա(ստուա)ծածինս, սկեան ար-
ծաթի, եւ տաւնացուցակ²⁵:

Մարիամի հրամանով 1185 թվականին
Հաղբատի մեծ ժամատանը կից կառուցվել
է փոքրագույն գավիթը կամ Կյուրիկյան
տոհմի տապանատունը²⁶:

Մինչև փոքրագույն գավիթի կառուցումը
այնտեղ թաղվել են Մարիամի հորաքույրը՝
Ռուսուգանը, և մայրը՝ Թամար թագուհին:
Մարիամ լարքայադուստրն իր կառուցած
տապանատունը արձանագրության մեջ ան-
վանել է «տուն աղոթից», թեև հնում այդ-
պես էին կոչվում միայն եկեղեցիները: Հե-
տագայում վանքի առաջնորդ Հովհաննես
Խաչենցին (հիշվում է 1209—1221 թվա-
կաններին) մասամբ քանդել է մարիամա-
շեն փոքրագույն գավիթը և նրա վրա կա-
ռուցել է այժմ գոյություն ունեցող մեծ գա-
վիթը, որ Հաղբատի ամենամշակավոր կա-
ռուցվածքն է: Այս մասին Կ. Գանձակեցին
գրել է. «Սա (Յոհաննես Խաչենցին) քա-
կեաց զգաւիթն փոքրագոյն, որ ի դուռն կա-
թողիկէին Հաղբատայ, և շինեաց մեծ և
գեղեցիկ շինուած, որ զարմացուցանէ զտե-
սողսն հիացմամբ»²⁷:

Մարիամը 1200 թվականին Հաղբատի
մեծ գավիթի մարիամաշեն կամարի վրա
փորագրած արձանագրությամբ հայտնում
է, որ քրոջ՝ Ռուսուգանի հետ միաբանել է
սուրբ Նշանին և «շինեցի եւ զգաւիթս, ծած-
կեցի, եւ զիմ ս(ուր)քն, մեծածախս պահա-
ր(անաւ)»... Ավետարան ի ս(ուր)ք Նշանս
էտու...»:

1212 թվականին նախորդ արձանագրու-
թյան տակ ավելացրած Մարիամի նոր ար-
ձանագրությունից պարզվում է, որ մահա-
ցել ու փոքրագույն գավիթում թաղվել են
հայրը, մայրը, քույրերը՝ Ռուսուգանը, Բավ-
րիան, եղբայրը՝ Աբասը:

Մարիամ Բագրատունու շինարարական
ամենաաչքի ընկնող կառույցը Քոբայրի
վանքի կաթողիկէ եկեղեցին է: Այս եկեղե-
ցին Մարիամը կառուցել է ծնողների և եղ-
բոր՝ Աբասի անունով (Աբաս թագավորը
մեռել է 1192 թվականին, երբ դեռ 19 տա-
րեկան էր: Մարիամաշեն կաթողիկէն հա-
վանաբար կառուցվել է Աբասի մահից ա-
ռաջ): Պատմիչ Մխիթար Այրիվանեցին
հաղորդում է, որ Մարիամը Քոբայրի
վանքում կրոնավորումի էր²⁸:

Մարիամը թաղված է Հաղբատի վանքի
մեծ գավթում, Կյուրիկյան տոհմի տապա-
նատանը:

(Ծառունակելի)

²⁵ Կ. Ղաֆադարյան, նույնը, էջ 114:

²⁶ Կ. Ղաֆադարյան, Հաղբատ, էջ 157—158:

²⁷ Կիրակոսի Գանձակեցու Պատմություն հայոց,
Երևան, 1961, էջ 98:

²⁸ «Մխիթարայ Այրիվանեցույ Պատմութիւն հա-
յոց», Մոսկվա, 1860, էջ 78:

